


起世因本經

第八

二百八  
映八

49561



起世因本經卷第八

隋三藏法師達摩笈多譯

三十三天品第八之餘

諸比丘若復有時諸外道等或波利婆羅闍  
迦或更餘者來詣汝所問汝等言是諸長老  
何因何緣有一色人為諸非人之所恐怖有

一色人不為非人之所恐怖彼諸外道若作  
是問汝等應當如是報言諸長老等此有因

緣何以故於世間中有一色人習行非法內  
有邪見及顛倒見彼等專行十不善法說不  
善法念不善法邪見顛倒以作如是十不善  
故護生諸神漸漸捨離如是等入若百若干

惟留一神揔守護之如牛群羊群或百或千  
其傍惟置一人守視此亦如是以護神少故  
恒爲非人之所恐怖有一色人習行正法不  
行邪見不顛倒見彼人旣行如是十善正見  
正語修善業故是一一人皆有無量若百若  
千諸神守視以是因緣此人不被非人恐怖  
譬如國王若王大臣隨一一人則有百千護  
生諸神之所守護

諸比丘人間若有如是姓字非人之中亦有  
如是一切姓字諸比丘人間所有山林川澤  
國邑城隍村塢聚落居住之處於非人中亦  
有如是山林城邑舍宅之名諸王大臣坐起

處所諸比丘一切街衢四交道中屈曲巷陌  
屠膾之坊及諸巖窟並無空虛皆有衆神及  
諸非人之所依止又棄死屍林塚間丘壑一  
切惡獸所行之道悉有非人在中居住一切  
林樹高至一尋圍滿一尺即有神祇在上依  
住以爲舍宅諸比丘一切世間男子女人從  
生已後即有諸神常隨逐行不曾捨離惟習  
行諸惡及命欲歿時方乃捨去如前所說  
諸比丘閻浮提洲有五種事勝瞿陀尼何等  
爲五一者勇健二者正念三者佛出世處四  
者是修業地五者行梵行處瞿陀尼洲有三  
種事勝閻浮提何等爲三一者饒牛二者饒

羊三者饒摩尼寶閻浮提有五種事勝弗婆提略說如前弗婆提洲有三種事勝閻浮提何等爲三一者洲最寬大二者普含諸渚三者洲甚勝妙閻浮提洲有五種事勝鬱單越如上所說鬱單越洲有二種事勝閻浮提何等爲三一者彼人無我我所二者壽命最長三者彼人有勝上行閻浮提洲有五種事勝閻魔世亦如上說閻魔世中有三種事勝閻浮提何等爲三一者壽命長二者身形大三者有自然衣食閻浮提人有五種事勝一切龍金翅鳥等如前所說諸龍及金翅鳥有三種事勝閻浮提何等爲三一者壽命長二者

身形大三者宮殿寬博閻浮提中有五種事  
勝阿修羅如前所說阿修羅中有三種事勝  
閻浮提何等為三一者壽命長二者形色勝  
三者受樂多如是三事最爲殊勝

諸比丘四天王有三事勝一者宮殿高二  
者宮殿妙三者宮殿有勝光明三十三天有  
三事勝何等為三一者長壽二者色勝三者  
多樂如是夜摩天兜率陀天化樂天他化自  
在天魔身天等應知皆有三種勝事如三十  
三天勝閻浮提中所說閻浮提洲有五種事  
勝諸天龍如上所說汝等應知

諸比丘於三界中有三十八種衆生種類何

等名爲三十八種諸比丘欲界中有十上種  
色界中有二十二種無色界中復有四種諸  
比丘何者欲界十二種類謂地獄畜生餓鬼  
人阿修羅四天天王天三十三天夜摩天兜率  
陀天化樂天他化自在天魔身天等此名十  
二何者色界二十二種謂梵身天梵輔天梵  
衆天大梵天光天少光天無量光天光音天  
淨天少淨天無量淨天徧淨天廣天少廣天  
無量廣天廣果天無想天無煩天無惱天善  
見天善現天阿迦膩吒天等此等名爲二十  
二種無色界中有四種者謂空無邊天識無  
邊天無所有天非想非非想天此名四種



諸比丘於世間中有四種雲謂白雲黑雲赤雲黃雲諸比丘此四雲中若白色者多有地界若黑色者多有水界若赤色者多有火界若黃色者多有風界汝等應當如是識知諸比丘世間復有四種大神何等為四所謂地大神水大神火大神風大神諸比丘曾於一時地太神發是惡見心自念言於地界中無水火風界諸比丘我於尔時誦彼神所而告之言大神汝心實有如是惡見云地界中無水火風三大界也彼荅我言實尔世尊我復告言大神汝今莫起如是惡見何以故此地界中實皆具有水火風界但於

其中地界偏多以是因緣得地大名諸比丘  
我能知彼地大大神發如是念斷其惡見令  
生歡喜於諸垢中得法眼淨證果覺道無有  
結惑度疑彼岸無復煩惱不隨他教隨順法  
行而白我言大德世尊我今歸依佛歸依法  
歸依僧大德世尊我從今後常當奉持優婆  
夷戒乃至命盡更不殺盜及非法等歸佛法  
僧清淨護持

諸比丘復於一時水大大神生於惡見亦如  
是念於水界中無有地界火界風界我知其  
意往詣彼所而問之言汝實亦不荅言實亦  
我復告言汝今莫作如是惡見此水界中具

有地界及火風界以偏多故得水界名如是  
乃至火神風神俱有此見佛既知已悉往詰  
問並荅佛言實尔世尊佛開其意皆得悟解  
歸依三寶悉隨順行略說如前地大大神斷  
除疑惑來詣我所諸比丘此等名爲四大大神  
諸比丘世間有雲從地上昇在虛空中或有  
至一俱盧奢任或二或三俱盧奢任乃至六  
七俱盧奢任諸比丘或復有雲上虛空中一  
由旬任或二三四五六七由旬任諸比丘或  
復有雲上虛空中百由旬任乃至二三四五  
六七百由旬任或復有雲從地上空千由旬  
任二三四五六七千由旬任乃至劫盡諸比

丘或時外道波利婆羅闍迦來詣汝所作如是問諸長老等何因緣故虛空雲中有是音聲汝諸比丘應如是荅有三因緣更相觸故於雲聚中有音聲出何者爲三諸長老等或復一時雲中風界與其地界相觸著故便有聲出所以者何譬如樹枝相揩相磨即有火出如是如是諸長老等此是第一出聲因緣復次長老或於一時雲中風界與彼水界相觸著故即便出聲亦如上說此是第二出聲因緣

復次長老或於一時雲中風界與彼火界相觸著故即便出聲略說乃至譬如兩樹相揩

火出此是第三出聲因緣應如是荅諸比丘亦應如是廣分別知

諸比丘或時外道波利婆羅闍迦來詣汝所作如是問諸長老等何因緣故虛空雲中忽生電光諸比丘汝等應當作如是荅諸長老等有二因緣虛空雲中出生電光何等爲二一者東方有電名曰無厚南方有電名曰順流西方有電名墮光明北方有電名百生樹諸長老等或有一時東方所出無厚大電與彼西方墮光明電相觸相對相磨相打以如是故從彼虛空雲聚之中出生大明名曰電光此是第一電光因緣復次諸長老等二者

或復南方順流大電與彼北方百生大電相觸相對相磨相打以如是故出生電光譬言如兩木風吹相著忽然火出還歸本處此是第二電光因緣從雲聚中有光明出

諸比丘於虛空中有五因緣能障礙雨令占候師不測不知增長迷惑記天必雨而更不雨何者爲五諸比丘或有一時於虛空中雲興雷動作伽茶伽茶瞿厨瞿厨等聲或出電光或復有風吹冷氣至如是種種皆是雨相諸占察人及天文師等悉剋此時必當降雨尔時羅睺羅阿修羅王從其宮出便以兩手撮彼雨雲擲置海中諸比丘此是第一雨障

因緣而天文師及占候者不見不知心生疑惑記天必雨而竟不雨

諸比丘或復有時虛空起雲雲中亦作伽茶伽茶等聲亦出電光亦復有風吹冷氣來時天文師及占候者見是相已剋天此時必當降雨亦時火界增上力生即於其時雨雲燒滅此名第二雨障因緣彼天文師及占候者不見不知心生迷惑記天必雨而遂不雨諸比丘或復有時虛空起雲雲中亦作伽茶伽茶等聲亦出電光亦復有風吹冷氣來時天文人及占候者見是相已記天此時必當作雨時以風界增上力生則能吹雲擲置於

彼迦陵伽磧中或復擲置壇荼迦磧中或復  
擲置摩登伽磧中或復擲置諸曠野中或復  
擲置摩連那磧地此名第三雨障因緣彼天  
文人及占候者不見不知心生迷惑記天必  
雨而遂不雨

諸比丘或復有時虛空起雲於彼雲中亦作  
伽荼伽荼等聲亦出電光及有風起吹冷氣  
來諸占候者記天必雨然行雨諸神有時放  
逸以放逸故彼雲不得依時降雨旣不時雨  
雲自消散此是第四雨障因緣以是義故諸  
天文人心生迷惑記天必雨而遂不雨  
諸比丘或復有時空中起雲雲中亦作伽荼



伽荼等聲出大電光吹冷氣來諸天文人記  
必當雨然此閻浮一切人民其中多有不如  
法行耽樂諸欲慳貪嫉妬邪見所纏彼諸人  
等以惡行故習非法故樂著欲故貪嫉競故  
天則不雨諸比丘此名第五雨障因緣諸天  
文人及占候者不見不知心生迷惑記天必  
雨而遂不雨諸比丘是名五種雨障因緣此  
中有優陀那偈

華法色壽命

衣服及賣買

嫁娶三摩提

并四種飲食

二行晡沙他

上下名三界

雲色諸天等

俱盧舍鳴電

起世因本經鬪戰品第九

諸比丘我念往昔有時諸天與阿修羅起大  
鬪戰。爾時帝釋告其所領三十三天言。諸仁  
者。汝等諸天。若與修羅共爲戰鬪。宜好莊嚴  
善持器仗。若諸天勝修羅。不如汝等可共生  
捉毗摩質多羅阿修羅王。以五繫縛之。將到  
善法堂前。諸天會處。三十三天聞帝釋命。依  
教奉行。爾時毗摩質多羅阿修羅王亦復如  
是。告諸修羅言。若諸天衆共阿修羅鬪戰之  
時。天若不如。即當生捉帝釋天王。以五繫縛  
之。將詣諸阿修羅七頭會處。立置我前。諸修  
羅衆亦受教行。諸比丘。當於彼時。帝釋天王  
戰鬪得勝。即便生捉阿修羅王。以五繫縛之。

將詣善法堂前諸天集處向帝釋立忉時毗  
摩質多羅阿修羅王若作是念願諸修羅各  
自安善我今不用諸阿修羅我當在此與三  
十三天一處共居同受娛樂甚適我意其毗  
摩質多羅阿修羅王興此念時即見自身五  
縛悉解諸天種種五欲功德皆現其前或復  
有時作如是念我今不用三十三天願諸天  
等各自安善我願還歸阿修羅宮起此念時  
其身五繫即還縛之五欲功德忽即散滅  
諸比丘毗摩質多羅阿修羅王有如是等微  
細結縛諸魔結縛復細於此所以者何諸比  
丘邪思惟時即被結縛正憶念時即便解脫

何以故諸比丘思惟有我爲邪思思惟無  
我亦是邪思乃至思惟我是有常我是無常  
有色無色有想無想及非有想非無想等並  
是邪思諸比丘此邪思惟是癱是瘡猶如毒  
箭其中若有多聞聖達智慧之人知是邪思  
如病如瘡如癱如箭如是念已繫心正憶不  
隨心行令心不動多所利益諸比丘若念有  
我則是邪念則是有爲則是戲論若念無我  
亦是戲論乃至有色無色有想無想非有想  
非無想悉是戲論諸比丘所有戲論皆悉是  
病如癱如瘡猶如毒箭其中所有多聞聖達  
智慧之人知此戲論諸過患已樂無戲論守

心寂靜多所修行

諸比丘我念往昔有釋天王與阿修羅欲興  
戰鬪時天帝釋告其四面三十三天作如是  
言諸仁者宜善莊嚴身及器仗今諸修羅欲  
來戰鬪若諸天勝可生捉取毗摩質多羅阿  
修羅王以五繫縛之將詣諸天善法堂前集  
會之處令其見我時三十三天受帝釋命依  
教奉行阿修羅王亦如是教諸比丘當尔戰  
時諸天得勝即以五繫縛阿修羅王將詣善  
法堂前尔時毗摩質多羅阿修羅王既被五  
繫在天衆前見天帝釋入善法堂就座而坐  
即出惡言種種罵詈毀辱天主時天帝釋有

執御者名摩多離見毗摩質多羅阿修羅王  
對衆惡言毀罵天主即便以偈白帝釋言

帝釋天王爲羞畏

爲無勢力故懷忍

聞如是等麁惡罵

含受耐之都不言

今時帝釋還以偈答摩多離言

我非羞畏故懷忍

亦非無力於修羅

誰能如我神策謀

豈得同於彼無智

時摩多離復更以偈白天主言

若不嚴加重訶責

愚癡熾盛轉更增

若當折伏無智人

猶如畏杖牛奔走

今若縱之令得樂

至其本處更自高

是故明智當以威

示現勇健制愚駮

尔時帝釋復以偈答摩多離言

如此等事我久知

為伏衆人愚癡故

彼以瞋嫌而罵詈

我聞堪忍自制心

時摩多離更復以偈白帝釋曰

帝釋天王願善思

如是含忍有一患

彼愚癡者作是罵

謂生怯畏不敢酬

尔時帝釋重復偈答摩多離言

彼愚癡輩隨其意

謂我畏之而默然

若求益身永利安

宜於彼等常懷忍

如我意者見彼罵

不應於瞋復起瞋

若於瞋處報以瞋

如是戰鬥難得勝

若為他人所燒惱

有志能忍極為難

當知此忍爲強力  
若我若他凡起心  
他人旣已瞋罵我  
若於自己若他人  
旣知已被他瞋罵  
如是二處利益心  
彼人意念是愚癡  
若有力諸丈夫  
於無力人忍不瞋  
彼人無有智慧力  
愚癡心故棄捨法  
彼以愚癡求我勝

如是忍者應讚美  
皆求遠離大畏處  
不應於彼復起怨  
二處皆應作利益  
當使自瞋轉得消  
若自若他皆成就  
此皆因於不知法  
能爲無力故含忍  
如是忍者他所讚  
唯以愚癡力爲力  
如是等人無正行  
瞋恚罵詈出麤言



能忍彼惡則常勝

是忍增上難具說

勝人出語畏不論

於等恐生怨故忍

聞下人言能忍者

此忍爲諸智所讚

諸比丘汝等當知尔時帝釋則我身是我於  
彼時身作三十三天王自在治化受勝福報  
縱任快樂而當懷忍亦讚歎忍樂行調柔無  
復瞋恚亦恒讚歎無瞋恚者

諸比丘汝等自說於修行中有信解心捨俗  
出家精勤不懈汝等若欲於餘衆生身行忍  
辱讚歎忍辱調順慈悲常行安樂滅除瞋恚  
讚不瞋者汝亦應作如是修學

諸比丘我念往昔諸天衆等與阿修羅各嚴

器仗欲興鬪戰。尔時帝釋告天衆言。諸仁者。若阿修羅與諸天鬪。天得勝時。汝等可以五繫縛之。如前所說。諸天奉教。阿修羅王亦復如是。勅其軍衆諸比丘。尔時鬪戰。阿修羅勝。帝釋天王不如退還。是時馭者迴千輻輪賢。調御車欲向天宮。有一居吒奢摩梨樹。金翅鳥王巢於其上。已生諸卵。帝釋見已。告摩多離。執馭者言。

樹上有卵。摩多離。

爲我迴轉。遠避護。

寧爲修羅失身命。

勿令毀破此鳥巢。

時摩多離善執馭者。聞釋天主如是勅已。即便右迴。天千輻輪賢調御車還復。直指阿修

羅宮諸比丘。爾時諸阿修羅衆見帝釋車。忽然迴還。咸謂帝釋別有奇策。更來合戰。阿修羅衆因即大退。各趣本宮。諸比丘。爾時帝釋以慈因緣。諸天還勝。修羅不如。諸比丘欲知。爾時天帝釋者。即我身是。諸比丘。我於爾時。爲大天主。王領三十三天。自在治化。受勝福報。猶能憐愍一切衆生。爲其壽命。而作利益。起慈悲心。汝等比丘。以信捨家。應當利益一切衆生。

諸比丘。我憶往昔天阿修羅。欲共戰鬪。爾時帝釋告毗摩質多羅阿修羅王言。仁者。我等且攝種種器仗。天及修羅。其中各有明智慧。

者彼悉能知我等二家所說法義若善若惡  
但以善言長者取勝於是天主與阿修羅相  
推前說

尔時毗摩質多羅阿修羅王即便在先向天  
帝釋而說偈言

愚癡猛盛者

必須重訶責

折伏於無智

猶牛畏鞭走

愚癡無有智

所在難調制

是故用嚴杖

速斷其癡慢

尔時毗摩質多羅阿修羅王向天帝釋說此  
偈已阿修羅衆并諸眷屬皆大歡喜稱歎踊  
躍帝釋諸天及其眷屬默然而住

尔時毗摩質多羅阿修羅王告帝釋言汝大

天王便可說偈。尔時天主向阿修羅而說偈言。我明見此事。不欲共癡同。愚者自起瞋智者誰與諍。

尔時帝釋天王說此偈已。三十三天并諸眷屬皆亦稱歎踊躍歡喜。諸阿修羅及其眷屬默然而住。尔時帝釋告毗摩質多羅阿修羅王言。仁者更說善言。時阿修羅復向天王說如是偈。

寂然忍辱意。帝釋我亦知。愚癡若勝時。言我畏故忍。

尔時毗摩質多羅阿修羅王說此偈已。諸阿修羅及其眷屬皆悉踊躍稱歎歡喜。帝釋諸

天并其眷屬默然而住時阿修羅王亦告帝  
釋言仁者天主可更辯說如法善言尔時天  
帝釋向阿修羅眾復說偈言

愚者自隨意 謂忍為畏彼 以此求自益

於彼則無利 我謂彼作惡 不應瞋其瞋

於瞋能默然 此鬪則常勝 若為他所惱

有力能忍之 當知此忍者 忍中最高上

無問自與他 皆求離畏處 若知他嫌已

於彼不應瞋 二處作利益 所謂若自他

他若瞋罵者 自瞋能消滅 若自若於他

二皆成其利 他意念愚癡 斯由不知法

若有強力人 為彼無力忍 此忍為最勝

餘忍更無過

彼無智慧性

惟有愚癡力

愚癡捨法故

自然天正行

愚癡自矜勝

瞋恚出惡言

若能忍其惱

此則常有勝

勝者畏而忍

等者恐生死

於下能忍之

斯忍智所讚

尔時帝釋天王說此偈已三十三天及諸眷

屬稱歎歡喜踊躍無量阿修羅衆咸各默然

時諸天中有智慧者阿修羅中有智慧者各

集一處皆共量議此等諸偈詳審思念觀察

推尋同稱讚已作如是言諸仁者等今天帝

釋善說言義其所治化一切無有刀杖鞭撻

亦無諍鬪毀辱死讎亦無言訟及求報復於

生死中有所厭患求離於欲爲寂滅故爲寂  
靜故爲得神通故爲得沙門果故爲成就正  
覺得涅槃故諸仁者毗摩質多羅阿修羅王  
所說之偈無有如是善妙之語彼等一切惟  
有刀斧鞭打楚毒毀辱諍鬪言訟怨讎求於  
報復長養生死無有厭患貪著諸欲不念寂  
靜寂滅之行不希神通及沙門果不求正覺  
及大涅槃諸仁者帝釋天王所說之偈名爲  
善說毗摩質多羅阿修羅王所說之偈非是  
善說諸仁者帝釋天王所說之偈善說善說  
毗摩質多羅阿修羅王所說之偈非是善說  
非是善說諸比丘汝等應知尔時帝釋即我



身是諸比丘我於彼時爲忉利天王自在治  
化受於福樂尚說善言以爲戰具由善言故  
鬪戰常勝汝等比丘既能於我善說教中淨  
心離俗捨家出家修精進行汝等若求善說  
惡說於教法中欲取義者應如是知

諸比丘我念往昔諸天王等與阿修羅共相  
戰鬪時釋天王摧破修羅戰旣勝已造立勝  
殿東西五百由旬南北二百五十由旬諸比  
丘勝殿之外有一百却敵一敵間各有七  
樓皆七寶成一樓內各置七房一一房中  
安施七榻一一榻上有七玉女一一玉女復  
各別有七女爲侍帝釋天主與諸玉女并侍

女等更無所爲惟受勝樂所須食飲香華服  
玩一切樂具皆隨往業受其福報諸比丘三  
千大千世界之內所有天宮更無有此帝釋  
天王勝殿比類

尔時毗摩質多羅阿修羅王作如是念我有  
如是威神德力日月宮殿及三十三天雖在  
我上運轉周行我力能取以爲耳璫處處遊  
行不爲妨礙曾於一時羅睺羅阿修羅王內  
心瞋忿熾盛煩毒意不歡喜便念毗摩質多  
羅阿修羅王尔時毗摩質多羅阿修羅王即  
作是念羅睺羅阿修羅王今念於我便復自  
念其所統領小阿修羅王及諸眷屬小阿修

羅等時彼小王及諸修羅知毗摩質多羅阿  
修羅王念已即各嚴備種種器仗往詣其所  
到已在前默然而住。爾時毗摩質多羅阿修  
羅王自服鎧甲持仗嚴駕與其小王并諸軍  
衆前後圍遶往詣羅睺阿修羅王所時羅  
睺阿修羅王復念踊躍幻化二阿修羅王

爾時二王知其念已還如鞞摩質多羅阿修  
羅王所念念其小王并諸所部亦各知已嚴  
備器仗向其王所到已皆共來詣羅睺阿  
修羅王處

爾時羅睺阿修羅王自服種種嚴身器仗  
與鞞摩質多羅踊躍幻化三阿修羅王并彼

三王小王眷屬前後圍遶從阿修羅城導從  
而出欲共忉利諸天興大戰鬪

尔時難陀優波難陀二大龍王從其宮出各  
各以身繞須弥山周迴七匝一時動之動已  
復動大動徧動震已復震大震徧震涌已復  
涌大涌徧涌以尾打海令一段水上於虛空  
在須弥頂上諸比丘即於是時天生帝釋告  
諸天衆作如是言汝等諸仁見此大地如是  
動不空中靉靄猶如雲雨又似重霧我今定  
知諸阿修羅欲與天鬪於是海內所住諸龍  
各從自宮持種種仗嚴備而出當阿修羅前  
與其戰鬪勝則逐退直至其宮若其不如恐

怖背走復共往見地居夜义到已告言汝等  
當知諸阿修羅欲與天鬪汝等今可共我詣  
彼相助打破夜义聞已復嚴器仗與龍相隨  
共修羅戰勝則逐之不如便退恐怖而走復  
共往見鉢手夜义到已告言鉢手夜义仁等  
知不諸阿修羅欲與天鬪汝等可來共我相  
助逆往打之鉢手聞已亦嚴器仗相隨而去  
乃至退走復共往告持鬘夜义具說如前退  
走往告常醉夜义亦復嚴仗共持鬘等并力  
合鬪若得勝者逐到其宮若不如者恐怖退  
走復共往見四大天王到已諮白四天王言  
四王當知諸阿修羅今者欲來與諸天鬪王

等應當與我相助打令破散時四天王聞常  
醉言即各嚴持種種器仗駕馭而往乃至退  
走不能降伏是時四王便共上昇詣善法堂  
諸天集會議論之處啓白帝釋說如是言天  
王當知諸阿修羅今者聚集欲與天鬪宜應  
往彼與其合戰時天帝釋從四天王聞是語  
已開意許之即召一天摩那婆告言汝天子  
來汝今可往須夜摩天珊塊率陀天化自樂天  
他化自在天至已爲我白諸天王作如是言  
仁等諸天自當知之今阿修羅欲與天鬪仁  
等天王宜應相助俱詣其所與其戰鬪時摩  
那婆聞釋語已即便往詣須夜摩天具白是

事亦時須夜摩天王從釋天使摩那婆所聞  
是語已即起心念須夜摩中一切天衆時彼  
天衆知其天王心所念已各嚴種種鎧甲器  
仗乘彼天中種種騎乘並共來詣彼天王所  
到已在前儼然而立時須夜摩天王亦自身  
著天中種種寶莊嚴鎧持衆寶仗與其無量  
百千万數諸天子俱圍遶來下至須弥山王  
頂上在山東面豎純青色難降伏幡依峯而  
立亦時天使摩那婆復更上詣兜率陀天到  
已還白兜率天王作如是言天王當知帝釋  
天王有如是啓諸阿修羅欲共天鬪惟願諸  
天咸來相助并力鬪戰令其退走兜率陀天

聞是語已即自念其諸天大衆彼天知已悉  
來集會大天王所到已即各嚴持器仗乘諸  
騎乘相率來下與無量百千萬衆一時雲集  
須彌山頂在其南面豎純黃色難降伏幡依  
峯而立

爾時天使摩那婆復更往詣化樂天中白彼

天言天王當知帝釋使來有如是語諸阿修  
羅欲共天鬪具說如前乃至彼天與其無量  
百千萬數諸天子衆各嚴器仗乘種種乘咸  
共來下至須彌山頂在其西面豎純赤色難  
降伏幡依峯而立如是上白他化自在天王  
亦如前說時彼天衆嚴持器仗倍化樂天與



其無量百天子無量千天子無量百千天子  
圍遶來下至須彌山在其北面堅純白色難  
降伏幡依峯而立

尔時帝釋見上諸天並皆雲集復起心念虛  
空夜叉尔時虛空諸夜叉衆咸作是言帝釋  
天王意念我等如是知已即相誡勅著甲持  
仗莊嚴身具皆各服之乘種種乘詣帝釋前  
一面而立時天帝釋又復念其諸小天王并  
三十三天所有眷屬如是念時並各著鎧嚴  
持器仗乘種種乘詣天王前於是帝釋自著  
種種鎧甲器仗乘種種乘與空夜叉及諸小  
王三十三天前後圍遶從天宮出欲共修羅

興大戰鬪

諸比丘是諸天衆與阿修羅戰鬪之時有如  
是等諸色器仗所謂刀箭犢犢椎杵金剛鉞  
箭面箭鏃箭鏃箭犢齒箭前迦陵伽葉鏃箭微  
細鏃箭弩箭如是等器雜色可愛皆是金銀  
瑠璃頗黎赤珠車璫馬瑙等七寶所成以此  
刀仗遙擲阿修羅身莫不洞徹而不爲害於  
其身上亦復不見瘡痕之迹惟以觸因緣故  
受於苦痛

諸比丘諸阿修羅所有器仗與天鬪時色類  
相似亦是七寶之所成就穿諸天身亦皆徹  
過而無癰痕惟以觸因緣故受於痛苦

相似亦是七寶之所成就穿諸天身亦皆徹  
過而無瘡痕惟以觸因緣故受於痛苦

諸比丘欲界諸天與阿修羅戰鬥之時尚有  
如是種種器仗况復世間諸人器仗

起世因本經卷第八

城隍

下音皇

村塢

下音占

屠膾

下音會

丘壑

下音各

渚

音詰問

上音一

測

反昌測

瞿厨

反直朱

干

下音活

積

七亦愚駮

上音下

懈

媯惱

一音故鳥

轅

音園

巢

反推

反尺追

迴還

下音似

自矜

下音居

鞭撻

下音他

鎧

甲

上音亥二反

愛苦

愛苦

愛

珊兜

上音下

蘇安

反積

培

上音下蒲

反鉞

箭

上音反

鑿

音反

斨

反乃古

痕

上音反

盤

映

十七

最中

